

Colgadoiro NAO

Prezo: 544,50 € (IVE incluído)

Descrición

O colgadoiro NAO xurdiu do fragmento que se desprende, durante o tempo de secado, dun taboleiro de 250cm da nosa castiñeira debido a unha fenda que probablemente provocou o raio.

De formas onduladas e gran movemento, inspirou este colgadoiro de case dous metros de longo, ideal para un recibidor amplo se é colocado en horizontal, mais tamén para aproveitar e vestir espazos exiguos se é situado en vertical.

As perchas son de madeira de buxo, procedentes dunha pola que nos acompaña desde hai máis de dúas décadas, cando a recollemos nun bosque preto de Santiago de Compostela.



Colgadoiro NAO

Medidas

Alto 240 mm

Longo 1875 mm

Grosor táboa 40 mm

Fondo 130 mm

Peso

9,4 kg (sen embalaxe)

Capacidade de carga

3 kg por percha

Material principal

Castiñeiro macizo

Outros materiais

Madeira de buxo para as perchas

Parafusos





Colgadoiro NAO

Tratamento da madeira

Descortizada e pulida ata chegar a un gran 320, tras recibir seis pasadas de auga para eliminar todo o repelo e protexida con lasur incoloro á auga para protección e mantemento da cor orixinal, resaltando a veta da madeira de castiñeiro.

As perchas de buxo tamén foron lixeiramente pulidas e tratadas con lasur.

Cor

Madeira de castiñeiro natural. Varía segundo a consistencia, sendo máis escura nos bordes ou nas áreas onde os taninos protexeron á árbore cando vivía.

As cores da madeira poden variar nas fotografías e á vista, dependendo da luz á que se expoñan.

Co paso do tempo a madeira irá adquirindo unha pátina máis escura.

Se é situada nun lugar onde fique exposta á luz solar directa, escurecerá máis.

Consellos de instalación

A forma do colgadoiro NAO engana á vista. Por iso conta con dous orificios na parte posterior que, ademais de servir para encaixar o soporte de fixación elixido, axudan para conseguir unha colocación a nivel. É importante que os soportes que se fixen na parede si estean a nivel con respecto ao chan da estancia.

Limpeza e mantemento

Limpar, tanto a madeira coma o metal, unicamente cun plumeiro ou cun pano limpo lixeiramente humedecido para retirar po ou graxa e deixar secar antes de volver pendurar elementos da peza.